

A instala directiva nobo pa e aña Leonistico 2012-2013

Randolf Vrolijk instala como presidente nobo di Aruba Lions Club



Presidente 2012-2013 Randolf Vrolijk



Presidente saliente instalando e Presidente nobo Randolf Vrolijk

ORANJESTAD - Recientemente a tuma luga e ceremonia oficial di Aruba Lions Club den cual a instala e directiva nobo cu lo dirigi e club di servicio den e aña leonistico 2012-2013. E ceremonia conoci como "Installation Night" a tuma luga den Ballroom di Marriott Resort y a conta cu un cantidad di invitadonan for di Lions Club di Corsou y Boneiro banda di otro clubnan di servicio di nos isla. A instala Randolf Vrolijk como e Presidente nobo di Aruba Lions Club pa aña 2012-2013, hunto cu secretario Jaime Laclé, tesorero Hervé Ruiz, "1st Vice President" Francis Leo, "2nd Vice President" Modesto "Dede" Ruiz, "3rd Vice President" Edwin Tromp, "Immediate Past President" Claret Lopez, "Lion Tamer" George Simon, "Tail Twister" Kenneth Bikker, "Director Membership" Daniel Clement, "Director 2 years" Patrick Paskel, "Director 2 years" Kenneth Luidens, "Director 1 year" Jaime Donata, "Director 1 year"

Franklin Kuiperi y tambe a instala Gerardo Figaroa como "Leo Advisor". Lions Club International ta representa riba 1.4 miyon miembro parti den mas cu 46 mil club rond mundo den 205 pais of areanan geografico.

Anualmente e organizacion ta percura pa inverti mionenes di dolar den iniciativas caritativo rond mundo.

Aruba Lions Club ta un club di servicio cu ta existi pa 64 aña caba y ta bon conoci riba nos isla pa su forma activo di yuda cu proyectonan pa comunidad. E ta conta cu 63 miembro y ta resorta bou di distrito EI, cual distrito ta cubri e area regional Aruba, Boneiro, Corsou, y estadonan Venezolano manera Falcon, Zulia, Trujillo, Merida, Tachira y e cono pabou di estado Apure. Anualmente Aruba Lions Club ta genera un suma grandi di fondo cu ta bay bek den comunidad a traves di un lista largo di organizacion y instancianan den necesidad. □



Directiva nobo di Aruba Lions 2012-2013



Reconocimiento na Presidente saliente



Ultimo discurso di Presidente saliente Claret Lopez